



INSTITUT ZA ZDRAVLJE I
SIGURNOST HRANE

IZJAVA O NEPRISTRASNOSTI, POVJERLJIVOSTI I SUKOBU INTERESA

Institut za zdravlje i sigurnost hrane Zenica (INZ) prepoznaje značaj nepristrasnosti, povjerljivosti i upravljanja sukobom interesa u svom radu. S ciljem očuvanja profesionalnog integriteta, vjerodostojnosti rezultata i povjerenja korisnika naših usluga, Institut se obavezuje na objektivnost i nepristrasnost u svim aktivnostima, uključujući pružanje laboratorijskih i drugih stručnih usluga

NEPRISTRASNOST

- Definišemo i implementiramo mjere za identifikaciju i upravljanje rizicima koji bi mogli ugroziti nepristrasnost.
- Sprječavamo uticaj komercijalnih, finansijskih ili drugih pritisaka na odluke zaposlenika.
- Osiguravamo da sve odluke u vezi sa ispitivanjima, certifikacijom i ocjenama budu zasnovane na objektivnim dokazima i standardizovanim procedurama.
- Redovno preispitujemo i poboljšavamo procese u cilju jačanja nepristrasnosti.

POVJERLJIVOST

- Podaci korisnika i trećih strana neće biti objavljeni, dijeljeni ili korišteni u neovlaštene svrhe.
- Institut primjenjuje sigurnosne mjere za zaštitu podataka od neovlaštenog pristupa, izmjena i gubitaka.
- Povjerljive informacije mogu se dijeliti samo u skladu sa zakonskim obavezama i uz saglasnost korisnika.

SUKOB INTERESA

- U slučaju potencijalnog sukoba interesa, zaposlenici su dužni odmah obavijestiti rukovodstvo, koje će preduzeti odgovarajuće mjere za neutralizaciju rizika.
- Institut angažuje osobe koje nisu povezane sa zainteresiranim stranama, a u slučaju neizbježnih situacija provodi dodatne provjere.
- Sve odluke i aktivnosti moraju biti transparentne i dokumentovane u skladu s internim procedurama.

RADNICI

Svi radnici Instituta dužni su pridržavati se ove izjave i aktivno doprinositi njenoj primjeni u svakodnevnom radu.

Kršenje principa nepristrasnosti, povjerljivosti i upravljanja sukobom interesa može rezultirati disciplinskim mjerama u skladu s internim aktima Instituta.

Eksterni saradnici potpisuju izjavu o povjerljivosti, obavezujući se na zaštitu informacija i podataka. Radnici ne smiju obavljati aktivnosti koje bi mogle dovesti do stvarnog ili prividnog sukoba interesa.

Datum: 10.02.2025. godine



DIREKTOR

dr sci. Muamer Mandra, DVM